



ԵՎՐՈՊԱԿԱՆ ՄԻՈՒԹՅՈՒՆԸ ՀԱՅԱՍՏԱՆԻ ՀԱՄԱՐ
EUROPEAN UNION FOR ARMENIA

ԱՐԺԱՆԱՊԱՏԻՎ
ԱՇԽԱՏԱՆԸ
ՀԻՄԱՎ

DECENT
WORK
NOW

Աշխատանքային միջավայր
Առողջ, ավստանգ և ՈՉ ՄԻԱՅՆ

Իրազեկման թերթիկ գործատուների և
աշխատողների համար





Մարդու իրավունքների համընդհանուր
հռչակագիր, հոդված 23, մաս 1-ին.

***Յուրաքանչյուր ոք ունի աշխատանքի,
աշխատանքի ազատ ընտրության,
աշխատանքի արդար ու բարենպաստ
պայմանների և գործազրկությանից
պաշտպանվելու իրավունք:***

Աշխատանքի իրավունքը մարդու հիմնարար
իրավունքներից մեկն է, սերտորեն առնչվում է
մարդու այլ հիմնարար իրավունքների հետ՝
Նախադրյալներ ստեղծելով այդ իրավունքների
իրականացման համար: Աշխատանքի
իրավունքն իրենից ներկայացնում է մի շարք
իրավունքների փոխկապակցված ամբողջություն,
ինչպիսիք են օրինակ՝

- աշխատանքն ազատորեն ընտրելու
իրավունքը,
- առանց որևէ խտրականության, հավասար
աշխատանքի համար հավասար
վարձատրության իրավունքը,
- հանգստի իրավունքը,
- վճարովի արձակուրդի իրավունքը,
- ***արժանապատիվ աշխատանքային
միջավայրի իրավունքը,***
- այլ իրավունքներ:

Նշված իրավունքների շարքում կարևոր տեղ է
զբաղեցնում առողջ և անվտանգ, ոչ խտրական,
արդար և բարենպաստ՝ մարդու համընդհանուր
իրավունքների հարգման վրա հիմնված
աշխատանքային միջավայրի (աշխատանքային
պայմանների) իրավունքը, ինչպես նաև դրա
սահմանմանն ու բարելավմանը մասնակցելու
իրավունքը: Այս իրավունքի իրացման ոչ
իրավաչափ սահմանափակումները կարող են
հանգեցնել աշխատող անձանց մյուս բոլոր
ախատանքային իրավունքների արդյունավետ
իրականացման խոչընդոտների, քանի որ մարդու

աշխատանքային այլ իրավունքների իրացումը հնարավոր է միայն արժանապատիվ աշխատանքային միջավայր ապահովելու դեպքում:

Արժանապատիվ աշխատանքային միջավայր ապահովելու պարտականությունն առաջին հերթին կրում է **գործատունը**՝ ինչպես ներպատական օրենսդրությամբ սահմանված կարգավորումների, այնպես էլ՝ պետության ստանձնած միջազգային պարտավորությունների շրջանակներում, իսկ **պետությունն իր հերթին վերահսկողություն է իրականացնում արժանապատիվ աշխատանքային միջավայր ապահովելու գործատուի պարտականության կատարման նկատմամբ**, անհրաժեշտության դեպքում որոշ դեպքերում կիրառելով պատասխանատվության համապատասխան միջոցներ: Օրինակ, Վարչական իրավախախտումների վերաբերյալ ՀՀ օրենսգրքի 96¹ հոդվածը տուգանքի տեսքով վարչական պատասխանատվություն է նախատեսում գործատուի նկատմամբ՝ աշխատանքի առողջ և անվտանգ կատարման պահանջներ սահմանող տեխնիկական կանոնակարգերը կամ տեխնիկական անվտանգության կանոնները խախտելու դեպքում:

Արժանապատիվ աշխատանքային միջավայր ապահովելու պետության պարտականությունը սահմանվում է հետևյալ միջազգային իրավական փաստաթղթերում ամրագրված դրույթներով՝

1. Մարդու իրավունքների համընդհանուր հռչակագիր,
2. Վերանայված եվրոպական սոցիալական խարտիա,
3. «Քաղաքական և քաղաքացիական իրավունքների մասին» միջազգային դաշնագիր,
4. «Տնտեսական, սոցիալական և մշակութային իրավունքների մասին» միջազգային դաշնագիր,

5. «Յիմնարար իրավունքների մասին»
Եվրոպական միության խարտիա
6. «Աշխատանքի և զբաղվածության
բնագավառում խտրականության մասին»
Ժնևի կոնվենցիա,
7. Աշխատանքի միջազգային
կազմակերպության¹ կոնվենցիաներ,

իսկ ազգային օրենսդրությամբ արժանապատիվ
աշխատանքային միջավայր ապահովելու
պարտականությունը սահմանվում է հետևյալ
իրավական ակտերով՝

8. ՀՀ Սահմանադրություն,
9. ՀՀ աշխատանքային օրենսգիրք,
10. «Կանանց և տղամարդկանց հավասար
իրավունքների և հավասար
հնարավորությունների ապահովման մասին»
ՀՀ օրենք,
11. «Հաշմանդամություն ունեցող անձանց իրավո
նքների մասին» ՀՀ օրենք,
12. ՀՀ կառավարության 15 հուլիսի 2004 թ. N
1089-Ն և 29 հունիսի 2006 թ. N 1007-Ն
որոշումներ,
13. այլ իրավական ակտեր:

Անվտանգ և առողջության համար անվնաս աշխատանքային միջավայր.

*Յուրաքանչյուր անձ իրավունք ունի աշխատելու
իր կյանքի և առողջության համար անվնաս և
անվտանգ աշխատանքային պայմաններում,
իսկ գործատուն, օրենքով սահմանած
չափորոշիչներին համապատասխան,
պարտավոր է ստեղծել աշխատողի կյանքը,
առողջությունը պահպանող աշխատանքային
պայմաններ: Գործատուի այս
պարտականությունը պետք է կրի
պարբերաբար բնույթ՝ արդյունավետ միջոցներ
ձեռնարկելով աշխատողի առողջությանը և*

¹ Աշխատանքի միջազգային կազմակերպությունը Միավորված
ազգերի կազմակերպության հաստատություն է, զբաղվում է
աշխատանքային հարաբերությունների կարգավորման հարցերով:

անվտանգությանը սպառնացող ռիսկերը կանխարգելելու և նվազագույնի հասցնելու համար:

ԶԶ Սահմանադրություն, հոդված 82.

Յուրաքանչյուր աշխատող, օրենքին համապատասխան, ունի առողջ, անվտանգ և արժանապատիվ աշխատանքային պայմանների, առավելագույն աշխատաժամանակի սահմանափակման, ամենօրյա և շաբաթական հանգստի, ինչպես նաև ամենամյա վճարովի արձակուրդի իրավունք:

ԶԶ աշխատանքային օրենսգիրք, հոդված 245, մաս 1-ին.

Յուրաքանչյուր աշխատողի աշխատավայրը և շրջապատող միջավայրը պետք է լինեն անվտանգ, հարմար և առողջության համար անվնաս, կահավորված՝ աշխատողների անվտանգության ապահովման և առողջության պահպանության մասին նորմատիվ իրավական ակտերի պահանջներին համապատասխան: Զաշմանդամություն ունեցող անձանց համար աշխատատեղի մատչելիության ապահովումը (աշխատավայրում խելամիտ հարմարեցումներ տրամադրելը) երաշխավորվում է օրենքներով:

Վերանայված եվրոպական սոցիալական խարտիա, մաս 1-ին, կետ 3-րդ.

Բոլոր աշխատողները ունեն անվտանգ և առողջարար աշխատանքային պայմանների իրավունք:

Վերանայված եվրոպական սոցիալական խարտիա, 3-րդ հոդված.

Անվտանգ և առողջության համար անվնաս աշխատանքային պայմանների իրավունքի արդյունավետ կիրառումը ապահովելու նպատակով Կողմերը, խորհրդակցելով գործատուների և աշխատողների

կազմակերպությունների հետ, պարտավորվում են՝

1. ձևակերպել, իրականացնել և պարբերաբար վերանայել աշխատանքային անվտանգությանը, աշխատանքային առողջությանը և աշխատանքային միջավայրին վերաբերող առանձնահատուկ ազգային քաղաքականությունը: Այդ քաղաքականության առաջնային նպատակը պետք է լինի աշխատանքային անվտանգության ու առողջության բարելավումը և աշխատանքի ընթացքում ծագող, դրա հետ կապված կամ տեղի ունեցող վթարների և առողջությունը վնասելու հնարավորության կանխումը՝ մասնավորապես նվազեցնելով աշխատանքային միջավայրին հատուկ վտանգների պատճառները,

2. թողարկել անվտանգության և առողջության պահպանման կանոնակարգեր,

3. ապահովել այդ կանոնակարգերի կիրարկումը վերահսկողության միջոցներով,

4. խթանել աշխատանքային առողջության պահպանման ծառայությունների աստիճանական զարգացումը բոլոր աշխատողների համար՝ հիմնականում կանխիչ և խորհրդատվական գործառույթներով:

Այս հրապարակումը պատրաստվել է Եվրոպական միության ֆինանսական աջակցությամբ: Բովանդակության համար պատասխանատվություն է կրում Չեխիական քաղաքացիական ասամբլեայի Վանաձորի գրասենյակը, եւ պարտադիր չէ, որ այն արտահայտի Եվրոպական միության տեսակետները:



Ո՛ւ՛մ դիմել, երբ խախտվել են ձեր աշխատանքային իրավունքները

Առողջապահության և աշխատանքի տեսչական մարմին՝

Թեժ գիծ՝ 81-07

Էլեկտրոնային դիմելու հղում

www.employeeprotect.am/am/report

Հելսինկյան քաղաքացիական ասամբլեայի Վանաձորի գրասենյակ

Անվճար խորհրդատվություն՝ 077 342268

Էլեկտրոնային դիմելու հղում

www.facebook.com/DecentWorkNow

www.arhmiutyun.am/contact

Մարդու իրավունքների պաշտպան

Թեժ գիծ՝ 116

Մարզային գրասենյակներ

www.ombuds.am/am/site/ApplyTeamAddress

Աշխատանքի և սոցիալական հարցերի նախարարություն

Թեժ գիծ՝ 114

Էլեկտրոնային դիմելու հղում

www.e-request.am/hy

